

Hepatitis B kod dojenčadi

Bosnian

Informacije o imunizaciji

Šta je hepatitis B?

Hepatitis B je ozbiljna bolest koja se može dobiti tokom cijelog života. Uzrokovana je virusom koji djeluje na jetru. Bebe koje dobiju ovu bolest mogu imati samo blage ili nikakve simptome. Ipak, mnoge od ovih beba nose virus u svojoj krvi mnogo godina i mogu ga prenijeti drugim osobama. Čak 25 % nosilaca hepatitisa B mogu dobiti rak jetre ili im jetra može otkazati kasnije u životu.

Kako se hepatitis B širi?

Hepatitis B virus nalazi se u inficiranim tjelesnim tečnostima uključujući krv, pljuvačku i sjemen. Bebe čije majke imaju hepatitis B, pod visokim su rizikom da se zaraze prilikom rođenja. Hepatitis B još se može prenositi direktnim kontaktom krvi (kao što su kontakti kod posjekotina i ogrebotina, zajedničko korištenje kontaminiranih igala i šprica prilikom ubrizgavanja droge i povrede ubodom); seksualnim kontaktom; i kontaminiranim instrumentima kao što su oni za bušenje ušiju.

Može li se hepatitis B spriječiti?

Da, hepatitis B može se spriječiti. Najvažniji i najdjelotvorniji način prevencije hepatitisa B je imunizacija. Hepatitis B vakcina može se bezopasno dati bebama kratko nakon rođenja i kao dojenčetu.

Zašto je mojoj bebi potrebna imunizacija?

Važno je početi sa imunizacijom protiv hepatitisa B što je moguće brže nakon rođenja, kako bi se zasigurno utvrdilo da je imunizacija što djelotvornija.

Zašto ne sačekati do poslije?

Iako to možda ne djeluje važno dok Vam je beba mala, hepatitis B je bolest koja se može dobiti tokom cijelog života. Sa novim programom vakcinacije dojenčadi, Vaša beba će biti zaštićena od hepatitisa B, i dok je dojenče a i u ranom djetinjstvu, kada je rizik da postane nosilac hepatitisa B najveći.

Zašto se uvodi imunizacija dojenčadi protiv hepatitisa B?

Ovo je dio dugoročne, preventivne strategije čiji je cilj reducirati broj slučajeva hepatitisa B u našem društvu, reducirati bolesti i smrtnost od komplikacija nastalih zbog ove bolesti i konačno, eliminisati hepatitis B u Australiji. Bebe rođene 1. maja 2000 ili poslije, besplatno će primiti hepatitis B imunizaciju, kao dio redovnog plana za imunizaciju u djetinjstvu.

Kažite mi više o imunizaciji dojenčadi protiv hepatitisa B.

Prije ili odmah nakon poroda, Vaš doktor ili babica će s Vama porazgovarati o hepatitis B imunizaciji i pitati Vas da odlučite hoće li Vaša beba primiti imunizaciju. Ako se odlučite za imunizaciju onda će Vaša beba primiti dozu hepatitis B vakcine prije napuštanja bolnice.

Vaša beba će trebati još tri doze hepatitis B vakcine da bi imunizacija bila potpuna. Njih će primiti kada napuni 2, 4 i 12 mjeseci života u kombinaciji sa ostalim, redovnim imunizacijama u djetinjstvu tako da Vaša beba ne mora primiti dodatne injekcije.

Vakcine koje se koriste u Australiji sadrže dio virusa koji je stvoren genetskim inženjeringom i malu količinu aluminijumske soli.

Moram li ja imunizirati svoju bebu?

Ne, ne morate, Vi odlučujete ali se to strogo preporučuje od strane svih stručnih, medicinskih tijela kao što je National Health and Medical Research Council - NHMRC (Nacionalno vijeće za zdravstvena i medicinska istraživanja). Zaštiti Vašu bebu od ozbiljne bolesti koja se može spriječiti, važna je odluka.

Dugotrajni imunitet

Bebe koje su u potpunosti vakcinisane protiv hepatitisa B, **neće trebati da prime** vakcinaciju ili dodatnu dozu u mladosti. Postoje čvrsti dokazi da osobe koje kompletiraju svu vakcinaciju protiv hepatitisa B imaju dugotrajni imunitet.

Javljaju li se nuspojave?

Rijetke su nuspojave kod imunizacije protiv hepatitisa B. Najčešće nuspojave od vakcine su neznatne i brzo nestanu. To su bol na mjestu uboda, blaga groznica i bolovi u zglobovima. Ako ste imalo zabrinuti za zdravlje Vašeg djeteta nakon imunizacije, konsultujte Vašeg doktora ili sestru za imunizaciju.

Kako će se zaštititi djeca koja su rođena prije 1. maja 2000?

Trenutni, besplatni program hepatitis B imunizacije u sedmom razredu škole će se nastaviti za svu djecu koja su rođena prije 1. maja 2000 godine. Ovim programom se djeci nudi besplatna vakcinacija protiv hepatitisa B na kraju osnovne ili na početku srednje škole u svim državama i teritorijama.

Provjera prije imunizacije

Ukoliko je dijete bolesno, imunizaciju treba odgoditi. Razgovarajte sa doktorom ili sestrom.

Imate li još pitanja?

Za više informacija o programu imunizacije dojenčadi protiv hepatitisa B, razgovarajte sa Vašim doktorom opšte prakse, akušerom, kliničkom sestrom ili kontaktirajte Odjel za zdravlje Vaše države ili teritorije.

Za više informacija o imunizaciji

Telefonirajte imunitetin infoline na

1800 671 811

Posjetite Immunise Australia Website na

<http://immunise.health.gov.au>

Mi sa zahvalnošću cijenimo doprinos Odjela za zdravlje i brigu o starijima za ove informacije.